

袁子才判牒

清代名吏

袁子才判牘

襟霞閣主編

## 著者小史

袁子才。名枚。字簡齋。浙江錢塘縣人。年十二。卽入庠。二十一赴桂。爲巡撫金鉉作銅鼓賦。援筆立成。金愛其才。薦攷博學鴻詞科。以乾隆三年戊午科舉人。中己未科進士。送庶吉士。因習清書。致未能預漢文攷校。結果改知縣。分發江南。初試溧水。調任江浦。又任沭陽。再調江寧。袁子才爲政。第一嚴束差役奴僕。不使官民間有隔閼。終日坐堂上。任吏民白事。有小訟獄。立行判遣。案無留牘。以故到處有善政。又多設耳目方略。集鄉保詢盜賊。及諸惡少姓名。出所簿記。相處鈔。使不得隱。則榜其姓名。許三年無犯。湔雪之。奸民皆斂迹。且不避權貴。嘗杖將軍家奴。一時稱頌。袁僑寓江甯。無牆垣數十年。盜賊不忍攘其什物。其得民如此。以母疾去官。起復分發陝西。仍以知縣用。丁父艱歸。遂牒請養母。卜墓於江寧之小倉山。又名滿天下。壽八十二卒。

新編  
評註

袁子才判牘菁華

目次

戲謔致禍之妙判  
名士偷香之妙判  
誤娶石女之妙判  
戕身騙錢之妙判  
以身殉母之妙判  
輪姦婦女之妙判  
將人作犬之妙判  
教唆誣告之妙判  
女生八竅之妙判  
兄弟爭產之妙判

官吏狎妓之妙判  
寡婦招贅之妙判  
縲紲成婚之妙判  
小姑自縊之妙判  
風吹婦女之妙判  
借端誣陷之妙判  
七月生子之妙判  
強姦致死之妙判  
爭執田地之妙判  
爭立嗣子之妙判

叔嫂通姦之妙判  
翁姑虐媳之妙判  
房產爭執之妙判  
鄉民搶米之妙判  
乞假歸娶之妙牘  
擅責軍廝之妙牘  
焚琴煮鶴之妙牘  
請立嗣子之妙批  
請求改嫁之妙批  
蠱毒騙財之妙批  
禁止賽會之妙批  
娶妻受騙之妙批

淫婦退婚之妙判  
毆辱斯文之妙判  
寺僧犯姦之妙判  
重責豪奴之妙判  
告養辭官之妙牘  
自辯風流之妙牘  
爲花請命之妙牘  
盜刼報官之妙批  
請禁淫祠之妙批  
風水殺人之妙批  
代控忤逆之妙批

新編  
評註

# 袁子才判牘菁華

虞山襟霞閣主編纂  
衡陽秋痕廬主校閱

## 戲謔致禍之妙判

袁子才任沭陽縣令時。有秀才陳不凡與尹九福相友善。幼同硯。長同案。雖昆弟之親愛。不是過也。尹以無子。納鄉女曹阿寶爲妾。有殊色。與陳常相見不避也。一日尹陳酒後相謔。波及閨壺。陳對尹妾。竟作紫雲之請。尹疑有曖昧。遽起紛爭。竟至用武。尹額破血流。陳亦受有微傷。投牒公庭。袁勘得實情後。以雙方醉後戲謔。遂致誤會。成此惡果。幸受傷不重。各從寬斥責一番了案。其判文如下。

戲謔無益。古人所戒。多言敗事。早見金銘。況事涉閨壺。豈可信口開河。誼忝友朋。更應相說以解。陳生不凡。醉後妄言。咎有應得。而尹生九福。亦何得不明加審察。遽以片言之偶然可疑。欲加人以莫須有之罪。揮拳揎袖。斯文掃地。在陳生或心存覬覦。開口露出真情。在尹生亦性少聰明。屬耳竟成疑獄。查陳生納瓜田之履。

整李下之冠。見紫雲而發狂言。向碧玉便思篡政。以佳人爲朋友之輕裘。公然可共以枕衾爲五霸之仁義。久假思歸。無嫂溺加援之手。有朕棲欲治之心上。愧淳于下同傲象。洵爲衣冠之敗類。儒林之惡徒。本應詳請懲革。以儆狂妄。姑念額破血流。聊當小杖。尹生以片言之相謔。遂正色以相爭。斥責不已。加以毆擊。不評之於理。而決之以力。此豈書生之本事。更非斯文之所有。本應重責。以戒鬥狠。姑念情迫。免於懲罰。抑本縣猶有告誡於兩生者。羣居終日。言不及義。昔聖人嘗引爲深戒。該生等年少有爲。正應及時則駕。攀桂探吉。金馬玉堂。何得虛擲光陰。與紅友結緣。唯閨壺是謔。士先器識。而後文藝。一朝失足。千古飲恨。行止不重。則不威居心不誠。則不立本縣。愛才若命。求賢如渴。細察該兩生言貌舉止。文章談吐。亦未嘗非可造之才。天之生人。不易萬勿自甘墮落。本縣實有厚望焉。此判。

〔評〕此一尋常案耳。而其判文風致錯落。於莊嚴之中。寓憐才之意。不特使當局者誠心悅服。卽旁觀者亦爲拍手感動。循吏儒林。兩俱有之。名滿天下。非偶然也。

## 官吏狎妓之妙判

沐陽有典史孫子瀟者。美丰姿。能文章。且喜出入花叢。公餘之暇。時作北里之游。地方有紳士李士果者。因事與孫不睦。一日乘孫入妓女金子鳳家。突入掩執之。解送縣署。袁急出外審問。以事關地方官狎妓。須申詳上憲定奪。一面通詳江督及藩臬兩司。一面先行判結。孫子瀟保釋回衙。李士果侮辱官長。妄干非分。拘押候辦。其判文如下。

訊得李士果扭控典史孫子瀟狎妓一案。經本縣審問一過後。除關涉官箴之處。應候通詳上憲。請示核辦外。查得該典史孫子瀟。文章固自放逸。丰姿又是瀟灑。年少多情。風流自賞。於整理令甲之餘。作流連翠被之舉。以爲靖節閑情。何暇白璧。東山女妓。卽是蒼生。連忤無傷。小德儘可出入訟獄。清簡委蛇。未嘗誤公。余中請禁探花。卒以贓敗。傅元喜言兒女。乃以直聞。張翰有子史之詩。高風嶽峻。盧杞無侍兒之奉。醜迹風馳。果卿忠臣。徵求花粉。輔國逆豎。靜學沙門。官聲之賢否。不在此外形之何若。况小妮子。亦猶人耳。倡菡萏之誤投。遂窮民而無告。文王視民。

如傷。不使內有怨女。外有曠夫。蓋同是朝廷之赤子。何可加以二視。遂以司寇之官。作護花之主。記泉臺之夢。帷幕來奔。築黨氏之臺。盟公割臂。神君憐去病。小吏念蘭芝。雖非居官之正軌。尙屬風流之小過。乃有李士果者。借公濟私。焚琴煮鶴。招搖徒黨。鋪張法令。捨簿領而調陰私。挾大府以爲恫嚇。不知蕭何律上。不禁笙歌。宓子堂前。豈無琴瑟。西平郡將。營妓自隨。白傅司馬。商婦度曲。雖踰規越矩。難律官箴。而好色怡情。無害金布。大府未及搜牢。長官未及狙伺。而先邀不相關係。之所謂地方紳士。出而掩執。橫施豎牽。招搖過市。不論其居心何若。而侮辱長官。凶毆命吏。已足按律重懲。又律文非親屬。不許捉姦。所以維風化而杜刁頑。況女本東山人物。更無姦之足云。不過平時挾有私忿。借此以爲傾陷之具。本縣承審是案。一秉至公。既不敢袒屬吏。亦不敢干美譽。按法而行。無稍成見。除既詳請大吏。姑候令飭祇遵外。所有該典史。着交縣丞具保。釋放回衙。李士果毆辱官長。咎有應得。先行拘押。聽候核辦。妓女金小鳳。發交官媒價買。房屋發封。此判。

〔評〕官吏狎妓。本干法禁。然人民亦不應以此而肆行非法手段。故此事實兩

失之判文雖似爲屬官袒護。然情真詞當。理順言宜。直使人無可駁詰。長於文章者。故無施而不可也。至其辦法。亦不枉不濫。不激不隨。典吏交保回衙。候通詳上憲核示。原告毆辱官長。亦拘押候辦。卽禍原之妓女。亦發交官媒價買。以絕根株。而示大公。故卽棄文論法。亦覺無懈可擊。

### 名士偷香之妙判

袁子才任上元縣令時。有汪士修者。扭控宋雅秋至縣。出爲審問。知宋爲湘西名士。汪實湘中一船戶。汪女美貌。宋子才高。兩人遂結不解緣。上月汪載客南下。宋預伏艙底。至此發覺。因扭入署。袁爲判云。

照得被告宋雅秋。以相如宋玉之才。作奏曲窺垣之行。地非漢皋。何來解佩遺鐙。之女。舟非漁父。摹入桃源。月窟之花。在閨中突見不速之賓。芳心嚇碎。在書生以爲風流之事。前式尙存。於是船艙變作洞房。野合且隨雙宿。何料啓錠三更。已看愈行愈遠。遂以于飛一月。居然憐我憐卿。臥榻之旁。豈容鼾睡。釜底之魚。猶效鰈泳。旣而圖窮七見。訝吟聲之忽來。事洩人隨。出明珠於櫝底。斯文受難。竟作階下。

之罪。囚縲紲。爲災有辱。三楚之名士。貌羨東家。比嫦娥而有過。賦成好色。吐珠玉。以無窮。以才子配佳人。天心有在。結舊歡。爲新好。大令爲媒。此判。

〔評〕其案風流。其文纏綿。才子遇佳人名士。逢循吏。不責其鑽穴窺垣。而爲之調理撮合。有情人都成眷屬。袁公眞功德無量哉。彼焚琴煮鶴。專以砍樹斫花爲事者。何足以語此文詞。亦極菲芳香艷之至。

### 寡婦招贅之妙判

江寧有孫桂生者。鄉農也。娶妻秦氏。貌甚美。未一歲而孫逝。家中僅一姑一媳。以十指度日。鄰有楚惠生者。舉人也。年少風流。慕秦氏美。竟日成也。蓋秦氏青春守節。淒涼獨宿。亦不免有懷春之念。得一少年顯貴者垂青。身亦不能自持。相與燕婉也。然碍於老姑。不能暢所欲爲。因效臣故事。不意春光洩漏。未十日而拘獲。扭往縣署。袁公審鞫。一過知楚舉人尙未娶妻。而孫母亦有憐才之意。因判楚始亂終成。贅入孫姓。一以成百年之好。一以養垂絕之姑。爰筆爲之判曰。

照得孫陳氏扭控逃媳孫秦氏及舉人楚惠生一案。經本縣研鞫再三。詳爲開導。原情略迹。曲予成全。在孫秦氏深閨幽幃。難禁嫠女之情。楚惠生園柳鄰花。獨摘孤棲之淚。過牆殘月。信成絕妙之詞。閑蝶尋春。自是風流之侶。佳人慕才子情。或有之。寡女戀孤男事。已如此。探花郎探得名花。攀桂手攀來仙桂。得嬌妻作人螟蛉。兩無所恨。失兒媳反賺封誥。微幸如何。登堂認母。須知昔日之逃奴。和合兩家。永締百年之佳偶。此判。

〔評〕誘拐寡婦被獲。而反使之胖合。成其眷屬。驟視之似覺駭人聽聞。然細按之。真合於王道人情。況以舉人之貴。而使之爲貪戀一婦人故。屈贅於華門圭竇之家。其懲治實較詳革拘禁者。更爲嚴酷。且寡婦再醮。例本不禁。老姑既有憐才之心。縣令何無惜玉之意。如此判斷。真一舉數得也。

### 誤娶石女之妙判

上元鄉人龐飛吉娶妻尤氏。貌甚姣好。文詞亦楚楚可觀。頗爲得意。不料定情之夕。竟迷途失道。洞口深深。白雲空鎖。窮披極索。不得其門而入。因投牒縣署。

請求出妻。袁子才傳集兩造及尤氏父母以至媒妁。審鞫一過。知爲石女。遂判尤父返還聘禮。龐飛吉另娶小星。新娘尤氏才富命蹇。情殊可憫。且木已成舟。未忍令其下堂。因判仍位正室。判文極纏綿悱惻。一時上元士大夫無不傳誦。其文如下。

女不懷春。洞房惡。遂好迷之。願物原虛。設桃源。竟無問津之途。白雲空鎖。已惆悵乎老樵月訊。艱期焉締。盟乎插血魚水之情。何堪言。螽斯之慶。安可卜。且門前荆樹。只有一枝。而凝想弄璋。夢懷尤苦。乃伐柯失則。事誤冰人。苗而不秀。猶如鏡裏之花。有乃若無。反如人財兩失。無好合之望。有滅祀之憂。其情彌苦。事復可原。然而佳人已娶。木旣成舟。無下堂之條。非七出之例。應着仍位正堂。龐吉飛旣戚隱。宗自可另置小星。再納房寵。俾資挽救之地。聊慰孝先之思。尤氏父宗彝以市儈手段。貿易心腸。不合欺心於前。又復肆凶於後。推其養女作貨物出門。概不退換。通彼媒人。冒充美品。質以蒙真。本當按律究辦。姑從寬處。着將所有茶禮聘金。一律償還爾壻。以爲納寵之資。略儆爾奸。藉補前咎。一體遵行。毋得違誤。此判。

〔評〕此案使在今日。則一言可決。然在當時。確有甚難之處。袁子才判令尤氏。仍爲龐妻。而罰尤父償還一切茶金禮銀。使龐納小星。以延嗣續。誠法律人情。雙方交顧。做官須用讀書人。信夫。彼嗷訾讀書人不曉事者。真自身不曉事之至也。

### 縲紲成婚之妙判

上元有王世儀者。其父亦名孝廉。掌上明珠。僅此一顆。寵愛無以復加。年已及笄。尙未字人。不免有情慾之感。與對門沈長庚常相來往。頗有終焉之志。正擬雙方告稟堂上。遣媒問字。而西鄰有無賴陸炳南者。熟知此事。一夜冒沈長庚名。越窗而入。姦女後。又將王世儀戳斃。女不知其爲陸炳南。誤爲沈長庚。投縣控訴。侃侃自陳。於是沈無辜坐縲紲矣。後袁子才調署上元。提勘是案。覺有所疑。謂沈長庚實一翩翩年少之書生。絕不類能殺人者也。因設計爲之平反。將眞凶陸炳南處死刑。案結日。袁親作判詞。命女仍嫁沈。以遂沈好逑之心。並慰其數日來縲紲之苦。其事頗與聊齋誌異上所載臙脂一案相類。判文如下。

懷春游女。開錦幕而微窺彼美。狡童伸金針而長望銀漢。一水隔女牛。以難通深意。千重賴眉目以相訴春光。半洩何來暮夜之人。鴛枕雙棲。豈料冒名之客。暗中摸索。可憐美玉。誤玷意外奇逢。樂殺屠肆沽狗。然而事機雖密。忽洩微情。怪鼠聲之何驕。宵鳴屈戌。移愛女而別宿。血濺吳鉤。尋根究底。擅虛名而吃官司。無枉奇災。因鑽隙而遭不白。幸而妙計破姦。凶人自投案下。癡心買女。惡賊猶想天鵝應是得罪難逃。怨鬼附身。須知天視莫逃。孽因終報。受冤者終有明時。犯科者依律處斬。世儀以思春而起巨禍。偏私情而隳清貞。自非白圭之玷。何云可磨。從此芳譽難言。將誰求偶。事原已肇。悔何及乎。沈長庚效吉十之誘。人隔天河而引盼。飛來巨禍。險乎身首兩分。素願未償。先吃辛苦數日。今愍其無辜。俾全昔志。雙成下嫁。託玉體以報誤。誣跨鳳人來展錦衾。而償渴疾。新人本來故好。夫妻原是冤家。女非天女。郎是織郎。各棄從前之怨。白歲長和永諧。白首之盟。三生有約。

〔評〕判得尙公。但未免太便宜了。王世儀太冤屈了。沈長庚蓋沈雖有好色之心。而素願未償。黑牢先繫。結果雖得美婦。業已喪節。天下多美婦人。何必戀

此失貞之女。故曰未免太冤屈。雖然。不如是者。王世儀將何以爲情。况有女懷春。吉士誘之。王世儀固咎由自取。而首先誘之者。獨能安然無事乎。無事則窺觀女貞。有事則避之若浼。豈大丈夫之所爲。袁公之判王世儀歸沈。蓋亦正有苦心在也。判文亦頗可讀。

### 戕身騙錢之妙判

秦淮河畔。來一丐者。名高長福。攜一狗熊。熊如川馬。箭毛森立。能作字吟詩。但不能言。往觀者給十文。以素紙求書。則大書唐詩一首。酬以錢一百。一日。乞丐外出求書者。往熊寫曰。我長沙鄉下訓蒙人。姓金名汝利。少時彼此丐與其夥。畔捉我去。先以啞藥灌我。遂不能言。畜一狗熊在家。將我剝衣捆住。渾身用針刺之。熱血淋漓。趁血熱時。卽殺狗熊。剝其皮。包在我身上。人血狗血。交粘生牢。永不脫落。用鐵鍊鎖我。以騙人。今賺錢幾數萬貫矣。書畢。指其口。淚下如雨。衆大駭。俟丐者歸。急執送有司。袁坐堂審問畢。以採生折割律。立將乞者杖斃堂上。押解狗熊至長沙。交付本家。其判文如下。

照得惡丐高長福。合夥拐匿鄉愚。用以騙財。既啞其口。復戕其身。使之不復得齒人類。用心之酷。設計之毒。無以復加。按照律例。採生折割案。立將凶犯高長福杖斃堂下。同夥魏肇良。據高長福供稱。業於去歲五月逝世。卽叩諸金汝利。亦書去歲五月後不復相見。據聞已死。并聞由於雷殛。但未目覩各等語。是同夥魏肇良實已早伏冥誅。其外尙無餘人。可不追究。金汝利不人不獸。言啞身僵。情殊可憫。着備文往送長沙縣原籍。交付本家完案。此判。

〔評〕此種案件。甚少概見。是真極慘酷之至。立斃杖死。快人快事。可杜絕不少糾葛。且可省許多事。人謂袁公忍。吾謂袁公仁。

### 小姑自縊之妙判

溧水縣有團防陳萬全。娶妻錢氏。性甚蕩。陳父母俱逝。家中無他人。僅一妻及一妹而已。後門有一小窗。能隙窺行人。見行路之來者。其人可觀。卽招入與通。如是者有年矣。醜聲早播。然其夫猶未知也。一日。姑嫂同伺門隙。有屠羊者推小車而過。就桶而溺。嫂見其人。相貌魁梧。體格雄健。嫂見而狂喜。急迎之入。與